

Գուշակութեան մի այլ ձևն էլ այսպես էր: Աղջիկները վաղ առավոտյան կտուրին դնում էին փօխրնձէ պօւտի՝ գնդիկ և դիտում, թե թուռնը, կտցելով այդ պօւտը, ո՞ւմ տան վրա կիջնի: Այն տնից էլ լինելու է նշանածը: Տղաներն այդպիսի եղանակներով գուշակություններ չէին անում: Արդյո՞ք որևէ կապ կար այս գուշակությունների և ս. Սարգսի աղջիկ փախցնելու առասպելի մեջ. արդյո՞ք այդ աղջիկ փախցնելն առեանգման հիշատակը չէ՞, ամուսնական կապեր հաստատելու հին եղանակի, երբ աղջիկը չգիտեր՝ ո՞վ է լինելու իրեն փախցնողը, այն էլ անշուշտ ձի հեծած, և ինքն էլ՝ ս. Սարգսի մի այդպիսի առեանգող և ձիով սլացող երիտասարդ չէ՞: Աղջիկների գուշակություններն էլ, թե ո՞վ է լինելու իրենց փեսացուն, անշուշտ կապ ունեն բնութեան մեջ երկու սեռերի իրար հետ միացման հետ: Նախնական մտածողության ապագա հետազոտողների առջև դրված է և այն հարցը՝ թե արդյոք ս. Սարգսի գարնանամուտի տոնը կապ չունի՞ այն ըմբռնման հետ, որի մեջ երկիրն արու է, երկիրը կին և գարնանը կատարվում է նրանց հարսանեկան միախառնումը, այն փոթորիկների հետ շաղկապված, որոնցից հետո եղանակի մեջ համեմատական հանգստություն է տիրում, տեղի է ունենում գետնի հղիացումը բույսերով և սկսվում է կենդանական աշխարհի մեջ էլ ծննդաբերության ժամանակաշրջանը, դօրը²⁴:

Պարէկէնքան: Բարեկենդանը սովորաբար տևում է երկու շաբաթ, նախորդում է մեծ պասին, սակայն բուն Բարեկենդանը համարվում է վերջին երեք-չորս օրը: Մի այլ աշխատությունս մեջ²⁵ այս անունը ևս աշխատել եմ բացատրել որպես ողջույն, մաղթանք՝ ուղղված վերակենդանացող բնութեան: Այդ ողջույնը բխում է նույն մտայնությունից, որպես և բարի լո՛ւյս, բարի գիշե՛ր բարեմաղթությունները, որոնք բառի մագիկ գորութեամբ նպատակ ունեն սկսվող լույսին կամ գիշերին բարի կատարում ներազդել²⁶: Նլնելով այն հավատքից, որ գործի սկզբնավորության բնութեով պայմանավորվում է նաև նրա շարունակությունը, որ ուրախ սկզբնավորությունն առաջ է բերում ուրախ շարունակություն և հաջող ավարտ, աշխատում էին բնութեան բարի արթնացումը խրախուսել երկարատև պահեցողությամբ, ինքնազրկությամբ, ինքնագոհությամբ: Արթնացող բնութեան այդ երկունքի ժամանակամիջոցից առաջ աշխատում էին ապահովել և ուրախ կենդանացումը և ապագա բարեբեր՝ պտղաբեր գործունեությունն ընդհանուր խրախուսանքով: Մարդկանց այս հասարակօրեն ուրախությունն արծարծելու էր նաև բնութեան ուրախությունը: Հավատում էին, որ որքան ավելի կուշտ ուտեն մարդիկ և ավելի ուրախ և անհոգ անցկացնեն բնութեան արթնացման սկզբի օրերը, այնքան բնութեան մեջ էլ ուրախություն կգրգռվի և առատություն տալու տրամադրությունը կհաջորդի առատաձեռնություն, բազմատվություն: Այդ էր պատճառը, որ Բարեկենդանը

²⁴ Ս. Սարգսի պաշտամունքի վարերը շատ էին հատկապես Լոռում, սկսած Գյուլագարակ գյուղից մինչև Ղազախի Գազա ս. Սարգիսն ու մինչև Տփղիսի արևմտյան թաղը, որտեղ նրան նվիրված էր ս. Սարգսի եկեղեցին: Ս. Սարգիսը պաշտվում էր նաև թուրքերի և քրդերի մեջ Նրզբը-նարի անունով: Նրա մասին Ե. Լալայանի գրանցած փոփոխակը նրա ձին պատկերում է բուռակի հետ, որը ցեխն է խրվում և ցեխի միջից աղմուկով հանվում, Սիսիան, էջ 150:

²⁵ Армяне нагорного Карабаха, ձեռագիր:

²⁶ Հմմտ. Բար-պտուղ տերմինի հետ, որից բաղկացած են մի շարք բառեր և դարձվածքներ: Սրինակ՝ բարյավ՝բարե, այսինքն՝ «լինե՛ս պտուղով», Բարեկենդան-պտուղների կենդանացում, ձուրբար-նոր պտուղ ևն: